求

益

奫

文

集

求冠齊文表學目錄	王珪魏徵論	君德論	伯夷淪	释性	原器	卷		求益齋文集目錄
							溧陽强汝詢蕘叔警	

ヴュエボンミットス 為妻杖辨

佩雅堂書目總序	卷四	海防議	<b>晉</b> 防議	卷二	書紀效新書後	讀韓昌黎對馬問	讀韓昌黎守戒	i i 適 疏 唐 傳	习金秀文質と上金

名家類序	道家類序	兵家頻序	法家類序	農家類序	儒家類序	編年類序	正史類序	爾雅獎序	ン、名がろすり上金

大くのですではていているが	<b></b>	目錄類序	<b>卜筮類序</b>	路	九數類序	六醬類序	地理類序	天文類序	卷五	
ᄪ										

٩,

习金芬文多一上多 Z

--

3.

だる正式すで言うの。オースド	大醫局程文跋	儀禮正義校本跋	尚書要義政	儀禮要義跋	再書周易要義後	周易要義跋	<b>鶴山集跋</b>	墨子跋	<b>書韓权起餘生集後</b>	

•

.

海 管子校正跋 管子校正跋 

求益齋文集。目除	祭韓友环先生文	韓省齊夏觪	尤杰庵哀辞	宋雋人哀辭	朱臥雲哀辭	<u> </u>	江緯之哀辭	吳烈婦傳	吳君家傳	
נל										

		祠部公年譜	祠部公家傳	卷八	,祭袁文誠公文	
•						

**益齋文集**《卷一 齋文集卷 然則聖 非道也故別之然別之而未嘗別也則 調 魆 11.10 璁 目能观 別 不可也聖· 下者謂之器 視日 日明遂名耳 目道

一幾乎息矣由此言之雖天地亦器也形而下者也立天之道。 立 道無不在馬傳日大哉聖人之道洋洋乎發育萬物峻極 父子昆弟夫婦朋友器也而道在馬小而儀文度數名物器也 優大哉禮儀三 |者哉豈可以舍器而他求者哉有顯必有微而未始間也有精 コラグラコラ 一地之道日柔與剛形而上者也其著于人事者大而君臣 而不可判也故曰 「禮」一禮云玉帛云乎哉樂云樂云鐘鼓云乎哉于是有 一于器詹詹馬于器之小者尤察察馬而道日以隱故夫 百威儀三千然則道也者豈別爲 也三代以降知道者漸少士 物離器而獨 含

0.00 こ 新 彼 グイス下 「1m5」 固 舒 盛 也 廢 mi 丽 筝笙 此 躍 然以與歷 無傷也 小道 逴 見道為是說者必有高 1.1.1 可止音嘗 一
関
周
态 破琴瑟叙 IIII 豈 袒箕踞以求 遺 清 大 論 肆 然以 者亦或 「究其說 小乎哉今夫禮者敬 坐室聰以求其和 其視器如十 從 辨 其敬胡 矣彼欲去夫器者必自其 彼 相 团 明絕 與推 于器 無傷也 可得也 如芻 行其說遂浸淫蔓 者驟聞之若拘攣 胡可得也 一資有 樂 隔呼其亦弗 狗如糟 而 • 冥思 和而 一矣使裂冠 粕 力索之 如 延 桎 思、 使

才益 而不敬琴瑟而 使棄 源文集 知道者而 也 矣使焚詩 衰麻屛苫 弗 聖 着 而至于天 聖賢明道矣而 畔彼 和衰 固 上 可 地之 夫器者 麻而 滅傳註禁講誦 責 冠裳 哭泣飲食聽 初惡有是 不哀講誦 乙道 必謹 世之 而敬 嗚呼 是紛 于器常 八也後世之 粉者豈! 師心揣 琴瑟而和 樂以求其 紛 加 紛者哉 不知道 固 雖 測 則遂 以求 有者哉推 思 明道 胡可 丽 奮然 固 知道 與器 而範 胡 也 哀 而 說

彼 之 心 J. 詩し見る 平無者 而未敢 其有者累也求無其無者亦 無之 則 調道 且以天地 量 必有時 亦累也 室高而 |列其城 虚 有 窮哉 送其流之 必 無 器 熇 且彼 無其無而後 以 幻而蔑之矣故 加也 一贼道者不已甚哉彼爲是 心極則並 亦猶 則有從而勝之者日 界 也必 為道 臣父子兄弟 必盡滅天 旋 無 無亦無 斯 有從 下 心 而勝之 說者 乎有 间

與事為 其勢果足以飢吾道矣嗚呼彼誠以爲有其事者可無 HIJ 之外不出 冰炭黑白之 夫心與事 金層ラ身 日衣而未嘗衣何則以 吾未嘗貪矣窮汰競華金玉泥沙而可曰吾未嘗奢矣 二則且竊吾之器而用彼之道不廢倫常而謂超乎倫 天地而謂游于天地之表則其術愈工其自 一彼爲無之說者其極至于棄倫常蔑天地 一旣判爲二則亦何所爲而不可貨 相反其勢雖足以相害而未足以相飢 心未始有也旣判道與器 寶是耽聚斂婪酣 也既判 可則與否 為計愈 其心乎哉 便

滅 也 固滯 敢 **益齋文集₹**≉ 則其城道 曷嘗敎 未 而 狂無 寄 故古 矣 雖 不 尼者必非 若 凡 焉 鞭笞刳斮 可 仇 而 并贼器者 顶 若 善 而 亦 焉 劜 道 惡 已矣雖其為惡未敢 超平器 者自 愿謹 而 惡 而 也 別 不愈甚哉彼詹詹于器 知其非道 有 固滯 至 旣 所謂 用彼 此 極 儿 洏 一個之人也 道 可 後之 為善 猖 间 爲 狂無 舴 赤 四 據 不足 就 忌若 虐 也 或 愿蓮 器 涂 被

程 自孟子言性善朱大儒闡之至 多言信而多言且不可況不 知器 知道 釋 難故略釋之難者日孟子言性善尚子言性惡楊 性 也相麗焉者也彼不知器者亦烏能 知器者上 知道者 使 〈病風狂走而不 知 勿聽之矣夫器者顯 器知道者次知器 而 多 言 明至備後 可救豈非世道 乎余病世之 地道 而不知道者 、默而識之可矣 之大患 言性者好 也器者 也

相違使 絕無所本所謂一 乎性果不善而可率以為道 天生烝民有物有則民之棄舜好是懿德劉康公日民受天地 **押自孟子始** : 以生所謂命也是古之 Schurt David 陽之謂道繼之者善也成之 即同之謂 言性善矣湯諸曰惟皇上帝降衷于下民若有恒 性 也中庸日天命之 善則同矣不得言相近言相近則 ř 人之私言鳥得是之難者曰孔子言性 一聖智賢 言緩而不迫耳孟子曰 平是 調性率性之 人莫不言性善矣若荀楊之 性也善且在性之 子思言性善 1 矣易大傳 天豈命人 未必遊 先安得 옐

徝 性 必以五常言性 孟子言相似亦不 為善何故斥之釋日佛 相似猶之同 ء 非謂性善性者 動孟 疑之 子所謂惻隱羞 字性佛! 聖 也 一人與我 為同 惻隱羞惡辭讓是非之心是已非他仁義禮智信是已性靜而 近 猶之相似也謂孔子言 氏不知有五常務欲戕其情 氏所謂性乃心之靈非心之 別為 乎難者曰佛氏言明心見性 同類者孟子言人心之 則新奇之說未有 五 所同

性氣質之 之于聲也目之千色 也 知氣質之性故 也 智之于賢者也 一品非也 非氣質之性乎仁之于父子也義之于君臣也禮之于賓聲也日之于色也四支之于安佚也性也有命爲君子不 [性子古無稍不] 其說歧 聖人之于天道也命也有性爲君子不謂 一常豈有不善哉又豈 不稟五行之理亦莫不稟五行之 雖治日性一 可信釋日孟子嘗言之 而 一朱儒乃分 矣口之

亂之故程 一其辨皆不得已也春秋時性之說未亂孔子無言可也 且不得聞宋儒 後 有氣質 始亂之故孟子 爲聖 孔孟程朱易地 朱不得不辨使 大卷 複 性善反之則天地 起不 好言 一也若 不得不辨荷楊之說又亂之佛氏 非程朱開之 (孔子生其時豈坐視其紛糾) 則皆然難者日中人以 易斯言矣難者 性非聖人之教釋曰 八與之言 性存馬故氣質之 性其弊也舍踐 日夫子之言性 聖賢之言以救 可以語 乖件 與天 性 而

水給

齋文集

獲聖/ 7 教非 矣多言或反差旣備矣多 **シエヌドつご言**フ 與天道 竊其說以文異端豈得歸咎于 知 小學 Ţ 性而多言者也 易大傳 <u>\*</u> 空談性 也 也若旣著于 \_ 復之至于 尹和靖從程子半年始授以 子書其教之次第可見即言 則剛發無隱亦不能禁 命之弊此學者之過 然則知性 辨析精微則非高 書傳于後程朱不能禁中人以 丽 多言奚不 聖 中人以 惡 哉故凡與程 1 及性特 朱何咎馬孔子 可平日 學四 得聞 知

古之聖賢至 子不貴言性而貴復 习金素を身一先 也孟子嘗譏伯夷之隘以爲君子不由後人不 矣願 子稱之日聖之清又日百世之 伯夷論 其所以爲賢爲聖爲百世之師者其說爲後人所亂故 一个未有定論者其 性 爲聖以隘爲百世之師於是 無定論也嗚呼是亦不考于孔孟之言 惟伯夷乎孔 師論不旣定矣乎日 -Ł I伯夷區

有天下無待言也伯夷之不肯行一不義殺 1夷果隘者也其能以朝諸侯有天下乎百里小國也朝諸侯 則近 前 刻安 同而日得百里之地而君之皆能以朝諸侯有天下行 · · · · · · / · · · · · · 不辜而得天下皆不為也夫伊尹孔子之能以朝龄! 為聖平後 能 14 小國行仁義而成大業非盛德而能若是乎了 夷則能之其量之閼何如耶孟子論 則證謗安能寡怨即號爲寬 総俗之 之徒其德果足以朝諸侯 伯夷伊尹

求 址 即 徒襲其流弊而無其德無其量乃欲自託于伯夷謬矣論者 何足為聖隘 孔孟之言以定夷之為人而遠以隘盡之夫隘則何足為賢 益 濟文集、卷 類之盡將至于此而伯夷固未嘗 推惡惡之心思與鄉人立其冠不正望望然去之若將 ,論奈何日求仁而得仁不念舊惡不降其志不辱其身 伯夷隘亦謂其隘 非其民不使治則進 則何足爲百世之師此所以至今無定論也 亂則退得 如此也彼矯激絕俗 百里 絕俗之 然則 能

求益務文集人卷一 君之德莫大于明明莫大于知人知人莫大于無私無私莫大 伯夷事甚怪世多信之則論愈淆矣前人已有辨之者故不 而欲以一人之明察之必不得之 窮理窮理莫大于學言治者或日宜寬或日宜嚴或日宜法古或 常治不光矣故日君之德莫大于明天下之大也萬幾之 殃矣法古而不明則輕議更張民反傷矣順時而不明則狃 君德論 順時皆非至論也夫寬而不明則懷人 為聖所以為百世之師此伯夷之定論也若 1 )勢也故佐治必資乎。 。昌矣嚴而不明則善 九

非至 為明奚益哉故曰明莫大于知人 則生好事必躬親 [是誠難: (財則廉· 一論也夫得其人而不信任則不可以治非其 則任以大 ·易見者也漢武帝名能知人 亂誠能擇賢者以 也知其難則凡 士絀矣樂諂諛則直 、<br />
德小才小則任以小天下何憂不治舍是而察察 而能知人者未之有也故嗜聲色則正 可矣或日多疑則敗事虛心委寄可矣是 為 可以被吾知者必務去之蔽孰為 公卿公卿薦能者以布于內外德 八雖然知人則哲堯猶難之則奈 臣斤矣喜刻虐則仁者退矣 且黜百家而尊儒學 而信任馬 八遠矣

恭顯得 識 **大** 企 新 工 表 一 生 一 乎辨之日辨之以理而已理至公也非理則私 者 矣然而用公孫宏而 志矣然而用王安石 固自以為是而不自知其私也不自 私則烏乎克之私之發于心而不 用之不能遂吾意者雖明知其賢而不用而明于是蔽 用 圖治擇用公卿良二千石 〈莫大于無私夫私之易見者旣知之從而克之可也 事者以其偏 不能用董仲舒者以其好大喜功也漢宣 好法律也宋神宗慕堯舜三代之治 mi 不能 用程 可謂勤矣然而迁王 1知其私 以其志在富强也是 易知也其變萬端 F 必擇能遂 吉之言

析銖黍絲 私 更得私者 名 萬 ता 事萬物莫非理也虛心而問焉 矣歷代治亂興亡之鑒· 有要馬自綱常禮 有 非理觀 似非私 邱山其始之差也若絲忽其終之判也若秦越夫必 忽之理而後能辨銖黍絲忽之 馬各**視其**見理之淺深而 Ź 而 m 實私者馬有法私而得] 樂政刑以及衣服飲食大小精 循 理則 一史備之矣觀乎經而 | 汞世非說攸聞惟 興以治蓮 遇事 已其藏于中也若銖黍其 私故 而察馬 理則亂以亡說 不私者爲有去 [無私莫大 理固無不在 知 如是 則合 理 私 能 而

或問日 うな National Nationa 厥修乃來此之謂也故帝王之學必本于經參之于史而 而問焉遇事而察焉則理無不窮 日窮理莫大于學 也因私為君德論 汎 同治初友人自京師來語余日儒臣之進講者言人 論君德之燛亦人人殊也述所聞以告余余不敢 之事桓公不同信乎日 程子論王 珪 一魏徵論 | 珪魏徵不死建成之 篇 一魏所爲非也程子之 而私可去知人之明可致矣 **「難而事大宗甚害于義** /殊退 雖 又虚

而傳位 能容太宗則必諫太宗而不能容建成則勸建成致其友愛以 其視太宗亦日吾君之子也其輔建成必以孝友之道 此言之先旣不得以建成爲君則義不必死後旣不得不以太宗 也高祖為君建成豈君也歟哉王魏當惟高祖之命是聽高祖 所為 君則義可以仕然則程子之言不已 各忠于所事可也王魏之仕唐高祖固在也其官亦高祖 非也使果知高祖為君也則其視建成必曰吾君之子也 建成則君建成而已高祖而傳位太宗則君太宗而已 幼為言則猶未盡方桓公與糾爭國齊無君矣仲與 一過平日程子之言是也 [建成而] 命 Œ 由

源文集

一

事後遷 而復召二 対公開て長見去し 不聽求去不許及太宗卽位復以綱爲太子少保後 吾君之子也而日是吾君也其視太宗不日吾君之子 少保東宮之臣最 祖之臣 者不得已而 一也反復之而不聽則去去而建 則引吳太伯之事 其視高祖若贄 而非建成之臣也王魏則不然其視建成 出馬其亦可也建成始立李 人者莫如綱方建成猜忌太宗 勸 死高祖 忠 于建 禪太 綱 也 綱風 成 卽 為詹

加嗚呼過 然好大喜功海內虛耗論者或疑黃老果可以治天下雖儒弗能 漢文帝好黃老以淸淨爲政天下安平幾至刑指武帝崇尚儒 魏獨蒙事仇之名其亦有幸不幸哉 ス、名別の生 仇則不當復事之吾故曰王 )為害大矣而君天下者為尤甚文帝之治也固也 ,雖不好黃老亦治也 漢文帝武帝論 矣 ,亦皆不知有高祖而黨于所事矣特事之成敗異而 此非儒之不如老也文帝寡欲而武帝多欲故也 一魏所爲非也程子之言是 也雖 然 儉

帝好儒而不能無欲故僅以救亡三代之不可復也二君實爲 請用夏之忠則不見聽公孫宏見寬之屬傅會經補以飾吏事 然而文帝之寡欲實可以爲後法汲黯治黃老而以忠直稱公孫 尊龍任用先王之道茂然未有行馬夫以文帝之寡欲使能行先 |水盆齋文集||\*|| 卷一 以治雖爲亡秦之續可也惜乎文帝不能好儒故治不進于古武 王之道雖與三代比隆可也以武帝之多欲使夏棄儒而專任 其實者何也懼不得肆其欲也故申公以力行為言則不悅董 宏治春秋而不免阿世此亦無他也 治為黃者之功哉或帝之好儒徒好儒之文而惡其實也 丰

事又病說者以是而輕儒也故爲之論爲 君天下者未有寡欲而不治多欲而不飢者也余讀史感 何以帝以除秦苛法也使子嬰能為沛公之所爲雖復得天 一笑有于救敗哉不知出此秦終以亡買生責之宜矣或謂沛 生論奏責子嬰不能救敗司馬遷取其說班固則深非之 生深明大略非班氏所及也夫秦何以敗以苛法虐民也漢 |義而未能窒欲終于無益欲之爲害豈不大哉伊古以

一戰以幷六國天下苦泰之暴爭起攻秦秦民無 ちく山気的 民之戴嬴氏數百年矣孝公變法以後世 則其戴扁氏之心不勝其避水火之心遂翻然不暇復顧且夫秦 民爭附之無怪也彼頹苦秦法若在水火之中 服為項羽所院者二 力戰殄陳涉魏各田僧項梁之屬及章邯率之降楚秦民心猶不 ~與劉氏非素有結約也徒以一日之恩而歸之若此況 且盆堅而謂必含而歸漢吾不信也或曰子嬰前去 ひ三月一変になっ 資使果能為沛公之所為民之愛之必過沛 十四萬人 八被其心豈嘗忘嬴氏哉沛公人 널 旦有能拯之 、牧者又為 公違

Traduction of the second secon 之兵已 師老餉絀必逡巡引退項羽雖强不足慮也而沛公奚自入哉或 關中兵東擊楚散而復合敗而更發死戰于滎陽成皋之間楚 之也守關者皆山東吏士素畏項羽其敗固宜及旣定三秦乃收 秦民之善戰無敵于天下人矣沛公入關雖急收人心然未能 又謂沛公遣兵守關且不能拒項羽恐非子嬰所能抗是又不然 十日令已遍于國中矣選將誓師東拒函谷南塞武關不出十 ングエスノン・生ニーノス 不得過而西況函谷之險過于成皋秦民新及寬政無不願爲子 軍已集矣深溝高壘固守勿戰諸侯之兵阻險不進求戰不得 已倡雖得民心庸有及乎日子嬰卽位下書悉除苛法不 L.

懼叩關不克而退其氣勢必沮子嬰拊循境內布德修政訓民 矣安見復一天下平日陳涉 呼自古亡國亂朝未嘗無救敗之策安危轉于呼吸存亡決于毫 |項羽必能西入吾又弗信也或日六國皆巳立王子嬰能自保幸 大江語できるが治っ 兵以俟山東之獸兼弱攻昧取飢侮亡雖復得天下不亦可乎嗚 西向者以秦暴改也一 固非庸常之士所能識也余特因賈生之說而申之雖然紊為 「無道人矣以扶蘇之仁而好儒獨不得立以死是葢天欲亡 〈懲新安院殺之禍其力戰必倍于為漢擊楚之 一呼而天下響應人人發憤爭操兵 Ĩ 時 活調 属

一卒以身殉其出處生死之間 聞于 秦于子嬰又何責焉 丁名を一个 、論戰國之士多以魯仲連爲首 郷國 化合乎君子 王蠋論 以廉頑立懦與起 大岗蠋之死皆感動激厲相與迎立襄王卒復齊祚 則其修身砥行人字遐邇概 子逝世之義及樂毅破齊加禮丁蠋蠋義不 <del></del> 时且其言日 軌于道豈非聖賢之徒欺當是 吾謂仲連不 連雖能遺外勢利然猶 可想見齊閔 烈女不更二 呈 如当 王無道蝎 一瞬瞬 一夫忠臣不 之 賢 刪 則 時

屋三代之心當是時天下無事百姓富庶風俗酯樸是大可為之 擇馬 策士 漢武帝承文景之後撫怡安之業慨然有振與儒道制作禮樂比 齊魯諸儒講習大射鄉飲之禮河間歇王以雅樂來獻是先王 者鮮廉恥名節幾不講矣而蠋之自立如此詩 求益齋文集《卷 勢也去古未遠老師宿儒多談王道大行禮官有三代損益之 其蠋之謂乎前 一之習所行不盡合道豈蠋比哉嗚呼當戰國之時士之 漢武帝論 人未有稱道者吾故表而出之以俟論世 日風雨如晦雞 共

進轅 采將 远 所 使 帝 叔孫通之陋草巡狩封禪諸儀務以夸大為事又不爲士 用公孫宏見寬之屬皆俗儒善傅會不通大道故朝廟之 而宗聖制黜法律而尊教化務實用而抑虛文則三王之盛柱 天下夢然無所遵循而先王之禮亡矣置难樂不用而 以逞其侈心故申公力行之言董仲舒尚忠之論皆不 而爲四也豈非萬世 固申公董仲舒等質直 司馬相如等造詩李延年協律天下慕效競尙新聲而 隨有可考者假令武帝躬行先王之道務以天下為心 時哉然而武帝名為好儒特好其 阿通達治體之儒相與議論矯末 庶制 見納 漕 別立

**| 教太常之所考第皆不及乎德藝行能限之以章句訓詁誘之以** 利滁而先王學校之制亡矣名為與禮樂實以法律治天下風俗 求益齋文集、卷 成康治效衰于文景豈不宜哉自武帝以前上 承戰國先王 丁世則何可修 一亦無以比于三代況重之以窮兵續武注刑暴斂故制作繁于 「不少恤而先王教化之道盡亡矣雖使武帝果能恭儉愛 復也及武帝以儒爲名更制改作 八經置弟子員受業此其功也然而博士 |秀傑之上私相講習未盡失墜冀| 丰 一新天下之

君固不能挽積世之做而縣復之古也然則前王之澤所以竟之 儒術以文之公孫宏習文法吏事而緣飾以儒術嗟乎以 欲而外施仁奈何欲效唐虞之治乎太史公稱帝制封禪儀頗父 有好古之儒而先王之禮樂制度日以難考雖有願治不世出之 矣夫儒術則豈可用以 日滅以至于盡自武帝以來千八百年去古盆遠世變益壞 不可復者豈非武帝之咎哉善乎汲黯之規武帝曰陛下內多 一君以曲學阿世者為之相而皆以儒為文飾則其制作 漢光武帝論 文飾者哉 雖

帝為勝開物成務則唐太宗為優能兼之者其惟光武帝乎觀其 歸附拒而弗納諸將請擊匈奴制而不許務以休養元元爲事 禁上書稱聖卻符瑞屛珠玉減貢奉有獻寶劒及干里馬者詔 略足與唐太宗頡頏天下已定偃武修文口不言軍旅西域屢 劍賜騎士馬駕鼓車菾儉恤民無媿文帝雖崇信識緯廢皇后 シスコミーンミング・シェー 、他舉措尙多可議然能兼二君之長可不謂之賢主哉 以後漢唐宋明有天下最久若漢之文帝東漢之光武 者或首漢文帝或推唐人 <del>《宗</del>素儉恤 民則漢

與軍旅遠動征戏萬里疲弊中國 徵斂不能禁中官虐民激變不能罪可謂能愛民矣未能安民 叉帝城兵革緩刑罰省繇役重農貴栗屢蠲田租 謂能安民矣未能治民也唐太宗定租庸調府衞及 圖治勤求民隱詔令詩文皆有惻怛憂民之意然而戶部違 一宗覆育黎元惟恐傷之北和契丹西撫元昊 唐之 張 人有所建白羣 上下咸理貞觀之治幾至 一大宗宋之仁宗明之宣宗皆稱 小輒從而撓之法制繁冗屢變而不能 可謂能治民矣未能養民也漢 |刑措然而好大喜功土 代之盛明宣宗 意與民休息 切制度 也 勵

才金碟文集一名

大

道 死之不暇 明經甲乙 者雖多風俗未美王莽之篡抗節效忠者固有其。 团 制 建業之 · 以數 闕 能 何暇從 初首禮卓茂升之百寮之 十萬計學校 可 一种似有意于教矣然 謂能養民矣未 教 剛薛方費貽任 且學校 之教果安在哉光武帝撥 **%能教民也** 所課止于章句 一永馮信之屬旌李 而 煩刑暴 上 漢武帝尊儒 表襲勝鮑 愈攵 訓詁 七 窮奢聽出民 不求實 與大 書 阊

帝章帝因而茂之故東漢之士多經明行修敦崇節義及其季世 創 **徇國百折不同殞身湛族而不悔至若窮居隱處修身砥行爲鄕** 主昏政亂閹豎弄權以刀鋸斧鉞待天下之君子然士大夫守義 里矜式者不可勝數風俗之美近古以來未嘗有也推其效之所 一光武帝實始開之惜乎未能行先王之道又無三代之臣爲之 日 一效僅見于此抑亦庶幾能教者矣嗚呼三代之治之不可復見 故治化不逮乎古然自周衰以後風俗大壞更五六百年 不暇給汲汲以褒 一之道無有能行者也求其彼善三 名德勵節行為事海 一此者則謂之賢論者之 內觀聽為之 新民

ノゴデルフィニア

然則論 対公補フヨージャー 雜 三代以後之治 說 必目測 巧不皆垂也 而求其彼善于此 方圓 以庶幾乎記 有能為 垂者而有規矩則其為 則與垂 雕 也

吾觀 水道 圓 7 故難 穀 「金オガラを 展莠之為害并聚 也耕之種之培之 于農而 也使 并薙其穀但以空其田為 之名 則 知儒之難能而 亦然六經者聖 則惡用是 飲 異于棄規矩 **耶整者爲方圓** 一概之耘之穫之其事不敢 而雜之者 田為哉 可貴 心其于 教 八所貴 目者改 功則易耳수夫二 ,稂莠则 規矩也今天舍六經 以從 平田者貴其 規 耳 矩 稍廢然後能 一矣其勤 層 而 也

幸得六經而誦之師其一 尊高者雖然共言是也其行非也則人且疑而毀爲者得以藉 之而誇于人以為能知江湖者莫我若也然竟以渴死今夫學 **鬨盆甚故莫若置其言而觀其行使其行皆率于義歟則尊程** 世之言程朱者或尊爲或毀爲二 誦考證為事自謂通經矣而卒不知道是亦渴者類耶 者固君子也即未嘗讀程朱之壽者亦君子也而或有不信程 「則其意見之偏不可為訓要其人未可輕也 **<u>血</u>齋文集** 卷一 言足以自淑也然或不知學而專以記 一者交鬨孰是乎日君子必是其 亖 洑皆謹識

宣能末城其罪乎夫如是而爭可息夫使人 小人即尊程朱者亦行與言違之小人 不賢于公孫宏乎使其行而率于利歟 言其至也學不師其至者將爲學孔子聖于道司馬遷點于史 則程米之道固巳大明于世矣 甫聖于詩韓愈聖于文王羲之聖于書商高聖于弇張機聖于醫 有願學聖人者則人必怪之以爲妄以爲藏豈不異哉聖也者 為史者未當不法司馬遷及詩文書算之屬善學者必取 八未常怪獨至于道則怪其學聖 則毁程朱者固 也張禹孔光雖誦習聖言 八皆息其辨而修其行 無忌憚之

者宜也非妄也惑也然而論者不然彼所謂不 必如愈然而文必以愈為法也故自謂聖者則 孔子者未必能聖然而道必以孔子為法猶之故 いん アロコー トロコ (物/ ) ご・・ 學期 者則妄也惑也學聖

求 <u>益</u> 齋文集卷一終					才盆藻文集《卷一
					<b>=</b>

求益齋文集卷二 歸修于家鄉大夫舉其賢者能者以貢于天子在邦國者各學三 求益齋文集《卷二 其學無他途無倖進故十 安人說 城市者寡矣士始教于里塾升于库序又升于大學學成 不過三 必遠輸于國也以鄉士遂士掌其治訟不必赴質于城 四民使各安其業懼農之尤易擾 一日不使久勞于外也故民朝出暮歸不離其里其奔 溧陽强汝詢蕘叔著 也故以載師問 師 斂其

吏 制盡隳然漢之盛時守令久于其職掾史皆用土人故循良之吏 八心安靜風俗朴美而敎化易行由此道也自周衰以至于秦法 一之思安于學則無僥倖之心安于業則無浮動之患三代之盛 一安于學農安于田百工安于肆商賈安于市夫安于職則無苟 、朝出暮歸不離其職其奔走于道路者寡矣方是時更安于 并則史稱其美劉寇為會稽守民不見吏白髮之老未嘗識 訟號爲親民之更故文帝時人民樂業自年六七十翁未嘗 者寡矣仕者各于其國量能而授官稱職者或終身不徙故官 其長孝康必由本郡察舉故士不慕乎外卿嗇夫收賦稅聽 

求益新文集人皆二 安于棠矣燕人 矣至于後世法制愈錄學校之教廢而取士以文藝鄉舉里選 怠于聽訟逋賦者追呼羈禁必得而後釋訴枉者株連建繫逾 **夤緣權貴遠游都會以干謁達官 肩摩戰擊半皆韋布之儒** 而弗決父兄親友奔走營護閩城溢市牛皆秉耒之<u>農</u>而民不得 不得安于學矣輸稅必于縣官訴訟必于縣官有司急于催 年或遷他召矣膏腴之地繁劇之區更代尤數或歲 | 碩其德證古意僅有存者其效已 士得投牒應試于是為士者日多士習日敝羣聚京師 八而宦于滇秦八而宦于粤去家萬里跋涉就官 如此而三代之氓可

復不然則雖日修三代之制度慕三代之教化風俗猶之 安于學民安于業則非甚難之事又非有所扞格而不行也無 黔末久也忽擢任泰晉莅秦晉末久也忽遷治問專郵傳往來道 一歲再易官視職如傳舍民視官如過客監司以上任尤繁重官 化之隆風俗之美若是其不易幾也則亦已矣若夫更安于職 備害于政事害于人心害于風俗而欲求天下之治譬之撓濁 而欲其清其可得乎嗚呼三代之制度若是其不易行也三代敎 こうコラインコー 一之人未加之意耶且使天下之人舉安,也三代之盛或可以漸 如織而官不得安于職矣夫如是則苟且僥倖浮動之患無 1

歸之天則世之貪得者可以止以治亂廢興知愚賢不肖之故責 或知或愚或賢或不肖則曰人也非天所能限也夫以貧富貴賤 天之權重耶何以事必待人而成也人之權重耶何以有窮 而不得者也古之人則有說矣或貧或富或貴或賤則曰天也非 岡治者可不以此為急耶 、所能為也或治或亂或與或廢天也然有人焉君子不曰 然後人事脩人事脩故胤者可治治者可不亂愚者可以知 天人說 可以賢也今之論者則不然貧欲富賤欲貴初不

:

求益 必至于亂愚者必不能知不肖者必不能賢也吾當究其說矣謂 學無益也夫其說行故人事不脩人事不脩則亂者必不治治者 者不肯言非甚不肖而惡學者亦莫之信斯固不待辨也獨謂 路其害甚大然旣顯背聖賢之訓其說叉不可通非甚愚而不仁 知愚賢不肖成于天而不可變者足以沮肉學之志而絕從善之 也其他則悉餧之于天國之治亂不曰人也而曰天也天所興者 而曰天也得于天者清且厚雖不學可以善得于天者濁且薄雖 八不能奪天所廢者人不能助也人之知愚賢不肖亦不曰: 亂廢與在天者其言若非無理驗之古亦若有合故人 齊文集《卷二 人也 國

以勝之敬德以所天汞命周之所以興也自謂有命在天紂之 君子之言也必有盆于世今謂治亂在天而人 IIII 求益齋文集、卷二 不脩而能治者未有人事脩而至于亂者此吾所見者也傳 也必有 千載之前歟抑視 也語曰善言天者必有徵于人書曰天工人其代之又曰 無盆也而其害足以廢入事吾謂果在天也猶當修 一週專言天道則 人治之其亂也必有人亂之此無所見者也未 人事之善恶而興廢之歟吾不得而知 八事廢矣專言人 事 、無與者 則天道在其中 四 即使其說 事

則拱手坐視天下之事而曰治亂天也人何能為旣以自諉人亦 大夫之口方其居則持此論而視經世之學為無益及出而在位 (斯亦不善言天者矣嗚呼彼其說于古未有也而今且遍于十 無盆而務為杳冥恍惚之論舉天下之事悉付之無可如何。 無親惟德是輔其言天人之際不已深切著明哉今不計其言 不復爲經世之學天之說勝而忠臣義士反見譏于世天之說 而原之故天之說勝而聖賢重人事之道廢天之說勝而士 知縣說 尸位誤國者得以藉口此四者具而天下之禍亟矣

者乎山 楫孰 孰為腴孰 勝言 宋以京朝官為縣合日知某縣事後遂名其官 均者 若商者幾 江東に言! 石思義則 可資 也請言其略宰是 民 |病於輸將否 一之可稼者幾 乎境以內市集幾 為 灌溉有當溶未潛當隄未隄者 府有荒 何鰥寡孤獨廢疾不能自養者幾 縣之事孰有不當知者哉所當 AP11 8 何 乎困于徭役否乎有當獨未獨者 丽 縣也 未開者 可樹 何村聚幾 則當知其境土 可夠者幾何水熟大熟小熟 乎有旱不得溉者 何 乎縣之田賦幾 一廣袤幾何 幾 知者奈 何為農者幾何 Ĺ 何 乎有潦 知縣爲是官 1平有不 何 為 田幾 何雜 日 可通 是 何

乎有縱 飯 幾 奸猾唆民訟者乎訟之未質者若干事獄囚幾 者有之乎凡利民之事當興而未興者幾何何者當 人有可省者乎其害民也多矣何事為甚其為惡者眾矣 何道 其中猶有稍謹愿者 一有作奇技淫巧者乎市價有不一 博酗酒關很 教邪說感民者乎媚神賽會祈禱布施足 乎有陰主之者乎盜發而未得者幾何僧尼道 可以富之民有葢藏可以備凶年否乎勤乎惰乎奢 無賴為民害者乎有豪强欺凌愚弱者 平民所疾苦者 度量衡有不同者 何事孰富孰貧民之貧 人縣之吏幾 以傷民財壞 士幾 平有 平 平

习

名

齊文身|| 着

 $oldsymbol{\mathcal{Z}}$ 

益濟文集》卷一 事 何 能 海放為不 陸 何事風俗之未善者 于吳站君乎有不孝者 族黨恤貧乏者平有不孝不弟 達 ,者乎嫁娶喪祭俗之所 有恃勢 站 而 仍其俗者 可備 不與無行者 而 何 板 音治者 訪者 何者 何事教 乎學校之 為急 何 乎有苦節未發者乎有 于士 縣 化所當先者 能 教當作 有篤志 Mi 刻蒴專 可 八夫其賢 六 興者 Vi | 學期 思 事 利 何 鄙謬 事 何 而 病 事 何 Ħ] 犯 矜

AND THE PERSON NAMED IN COLUMN 能 者吾惑焉其恐 THE RESERVE THE PARTY OF THE PA 思之而 雪 也 之求無過 知負以肥 日苔知縣也 俗 後能行之使 之日是 饒 3 地能 省 縣治眾 困者蘇莠者革善者勒而 固瞀脊無所知也其點者 也知上 其亦 果 如是則其父兄親友皆相慶 固聞之如未嘗問見之 可知縣矣民生 STATE OF THE PERSON NAMED IN COLUMN TWO IS NOT THE OWNER. 無皆 行邓香 縣之 一官之喜媚也 內荒者關 如此則天下治矣今之號爲 1 乎縱彼不 之日蹙獄訟之 情者並 一知稱書之巧為 則知其所知 知 如赤嘗 多者樣 縣為 日是果能 陷 不愧 煩盗 溺 郑 矣 猶 知 縣 賊 縣

案要 者得吾說而存之則必用心於民使在上者得吾說而存之則 喪 求益齋文集、卷一 一體也無適庶之 (服妻在: 不杖大夫之庶子為妻在大功章夫父沒為妻杖期天 小記云父在庶子為妻以杖 庶子父在爲妻杖辨 無適 拯則亂 八庶幾其稍瘳 杖期章大夫之適子為妻在不杖期章傳日父在 乎 節位 七 適子者

子旣降為大功矣大功安得杖乎且經言適子不杖期而庶子大 功是庶降而適 歧其說何也 子也小記誤會經傳之文遂謂庶子父在可以杖夫大夫之庶 日為妻尊者在不敢盡禮于私喪故不杖斯言當矣儀禮注 一言適 大功而非謂庶子可以杖也傳于大夫之適子而言父 不降也小記以適子不杖而庶子可杖則是適 子則父在可知故因 孔疏于小記則謂雜記所云亦是庶子而云不 不亦戾于經傳乎雜記云為妻父母在不杖鄭 而發其例非謂不杖專屬之

何以言之喪服必以經為據經之所關 爲長子三年則亦質 庶 子庶子之服薪之至嚴也苟有異者莫不別言之 而不悖焉可也若明明與經不合奈何舍經而信傳記 為此不足疑也問庶子不得為長子三年則 大傳日庶子不得為長 為長子三年辨 不繼祖與爾也後儒王 污經概日 祖繼 而藉傳記以稍之 濔 可疑之甚皆

期之別生于子之適庶非生于父之適庶也如傳之說則庶子爲 第言眾子而無庶子為長子之服小功章第言庶婦而無庶子為 當爲之期即不爲長婦大功亦當小功此必然者也乃齊衰期章 當別言之矣乃齊衰三年章概日母為長子大功章概日長婦未 為長子齊衰三年又推之為長婦亦不得大功此必然者也經亦 眾子期為長子亦期是適底無別也欲別其父之適底而反使其 長婦之服何也可疑三也經言為長子三年為眾子期是三年與 言以别之何也可疑二也庶子與其妻卽不爲長子三年亦 何也可疑一 the commence of the same of 一 
也庶子既不得為長子三年推之其妻亦不 

对金元为女子 光二

是大夫之 **奚使庶子之子適庶果無别也則其適子奚不可後大宗哉** 雖重猶不奪已之正以後之也然則庶子之長子其不獨輕也 則被固大夫也其將不降乎則彼固庶子也將安所從哉 之適 也大夫為適子不別見者統于父為長子之文也齊衰期章 クロ Afr Tuby My Africa 庶子為適昆弟傳日何以期也父之所不降子亦不敢降 庶無别與經戾矣可疑四也禮適子不得後大宗明大 心不降其長子可知也使庶子而爲大夫其將降之 長殤則不降經所具 一長殤中殤皆大功大夫爲庶子之 長殤則降為 Ľ 可疑

|不别于此則不必別而別焉經必不若是姓矣旣別言爲庶子則 お金ででする 平可疑八也齊衰期章為君之長子凡臣從君服降一 其為長子之殤與大夫同可知也庶子于子之殤且別之況成 臣亦不得從服期然則將何服乎經胡不別言之而概日爲君之 |庶無以異經胡爲別言之曰爲庶子耶于父爲長子則當別而 小功夫公之昆弟則庶子也使不為長子三年則其為子服 (有地者言之也假令庶子為君旣不得為長子三年則) 獨降其長子之成人者乎可疑七也公之昆弟為庶子之 新可知經于天子曰天子諸侯曰諸侯其統曰君者則兼 the transfer and the first of the second of the second of ブ 等臣服期

考之經旣無所據且相戾而不得合吾故曰可疑之甚者也或曰 ウベ山豆m フmin W/ ペス・・・ 經之文則凡為父者皆為長子斬衰三年凡為母者皆為長子齊 粉粉膠戾推之終不可通有辨之不勝辨者可疑十 繼祖者也使爲服三年耶則經當日爲父後者爲長子不當概日 子言則辨矣然則古之爲長子奚爲而必三年哉日親親之思也 〈為長子使不爲服三年耶則繼祖之說謬矣注家附傳爲說者 一年凡為長婦皆大功豈不簡而盡直而文哉從乎傳記之說 可疑九也傳旣以繼祖為重則庶子為父後者其長子 是故從平

使庶子輕其長子哉此 之疑而! 也古之于適甚重也 )恩也斬衰者不貳其統故 年 情 己而有國者也庶子 、
 河期下為適孫亦期親同則服同不以尊卑為嫌也此 為眾子則期惟長子為一 愈 親祖以子親孫其情 恩 愈重 所以定 通直逐 一哀愈深者服愈隆 )義业或日 也故 正統也庶子而 **大夫士則其長子將繼** |為父三年為諸父則期下 分鐘亂源也 為父三年下為長子 傳記之 上親父下 一輕庶子則可安得 為諸侯則其長子 來向矣諸儒 己而為宗 為長

á

水益齋文集 傳 有經 而 服則經 與或 從 則徵之戴記經與記 叔 也 必若 記 有 服辨 記 傳與戴記不同則舍戴記而 卷二 有傳 為無服 所闕而 叉有戴記諸 記之 服皆 同 有後之 也 則舍記而從經記 記 經闕則徵之 是何专 儒者 從 傳此 理即 所 土 7、從記以 記記 必然者也獨至 與傳 服 弟服 闕 期 削妻從 則微 同 則

也 乎婦 可無惧 祖父母世父母叔父母傳日 此 **股釋之亦主乎婦** 無服也其夫屬乎父道者妻皆母道也其夫屬 起于婦人 也謂弟之妻婦者是嫂亦可謂之 而發問也而其以名言者則專主男子而言微特與經 · 子案婦· m 不起于男子經文此條是主 、為夫黨惟卑者為報服自敵以上皆從服故 有傳與戴記之言而 人而言也又日 何以大功也從服也夫之 [夫之兄弟何以無服] 母平名 也名服叉其一 始疑記矣大功章 | 平婦 **平子道** 人治之 而言也

1115111

他 、其中未 叔 足 傳 癒 弟則當 赤非以名 可疑 文集《卷 亦不 可知 有不從服之義 业 小必以名 也 從 一戴記檀 不通 服 也 疑 可以 关之兄 此數語非傳之 地 |為言且 從言 問以 可地 弓篇 (為遠嫌| 弟義猶是矣假令婦 不得主男子為言旣 地夫之世父母叔 考其所以論名者 曰嫂叔之 本 可地 文或後 死則 也 何嫌之有嫂 婦 土 取大傳 初不關 無從 分母為 区 服 則 制血 也

STREET, STATE OF STREET, STREE

踊 嫌安 母要皆齊衰三月經有明文使夫之兄而爲宗子也可爲之 獨宗子兄弟之妻不服族之丈夫婦 月獨不可為之大功乎使兄之妻而為宗子之母妻也可為之 衰三月獨不可爲之大功乎如日族之丈夫婦人皆爲宗子服 轉以服為嫌乎此皆理之難通者也丈夫婦人為宗子宗子之 亦檀弓之文也夫為位則不嫌而獨以服為嫌乎哭踊且不 叔父若兄弟不服斯益不可通矣經又云娣姒婦相 死一生 而獨以服為嫌哉子思之哭嫂也為位婦 人皆為宗子之母妻服獨

|非祭非喪不相授器然則方有喪也雖生者亦或不暇

弟 解蓋疑而關之也 案夫為兄弟 求益薪文集。卷二 乎哉傳 相與同室則生 /無可疑者也 小功 所謂小功以 非報 期則妻降 所為兄弟服妻降 而亦 不功之 小功此 固 即從服未有夫不為服而妻獨 可謂之兄弟也且記曰君之 氏以為從母之 下爲兄弟者 親始亦求其說 又穷證之經而悉合者 與滅記而 等而爲大功夫爲 屬夫從母之屬 謂小功以下之 人始疑之疑之非也 而不得者 所為兄弟服 些 兄弟非謂 [平吾故] 而 )服者傳 可謂 鄭 **月**段 則

嫁母齊衰期王肅云從而寄育則為服不從則不服此說于 從母之 云貴終者言終為母子故為之 記此必然者也 屬其界可通 則毋無出 服惟杖期章云繼母嫁從為之 母之 母辨 何服蕭太傅云當服周爲父後則不服韋 屬而室老猶為之 吾故曰記之文無 乎是故經關則徵之 服非與經異義也漢石渠 可疑者也 記記與傳 服報鄭氏 據 兄弟 业 同 謂 經 則 舍

シュラノニンイン

4/-

た。金箔と 母將不得罪于父 則子當為之齊衰三年奚 可通常 嫁 者蕊周謂父卒母嫁非父所絕 介耶古之 自絕者也 猶追服周何況嫁 出妻者或以無子 夫 自 為父後 一母之義三 周也 絕者豈賢于父所絕 母夫 元成議是 當為服 寫之 ī 當為嫁母服 周 (惡疾或 也魏晉 固得罪 周使嫁 則絕矣 下慈

及注疏之說甚 出母無服所以尊父之命嫁母父不命出何得同出母信斯言 別為曲說耳袁準謂外祖 Ź 口不得罪于父是直 祀 之嫁乎為父後者不為出母父後者皆為出母服何以了 庶子為父後者為其母總麻 明嫁母之私也甚于出吳氏必欲伸之故舍傳 É 異族猶廢祭行服知為父後應 不尊父之命乎嫁母父不命 母服不致以私親廢祭祀喪服 為無知而 三月此不嫁之 已吳商謂爲父後者 一个匹 乎兼是一 | 再應服 服

母服 也夫從繼母嫁者有服則從因母嫁者可知矣從而嫁者乃有 求益齋文集 卷二 其母大功也庶子爲父 矣韋氏之議宣帝之制皆應經義者也然則爲子者其忍無服 則不從者無服可知矣不出而嫁者且無服則出而更嫁者 父後者不爲出母服也公之庶子爲其母無服也大夫之庶子 奚為而忍也子之于母天性也奚為而忍也父在為母期也 母盡沿諸儒之說永及深考竊以爲羣言淆亂當斷以經 經所有也為嫁母服經所無也繼母嫁從為之服又經 皆說之 不可通者也朱子題不養出母議後亦以嫁母重千 (後者為其母總也皆不忍也 左 所

漢石渠議日大宗無後族無庶子已有適子當絕父祀以後大完 加 以其庶子還承其父案三議皆未安而戴氏尤甚記曰親親故尊 則當絕父以後大宗聞人通漢云大宗有絕子不絕其父宣帝制 不戴聖云大宗不可絕言適子不為後者不得先庶耳族無庶 不敢過也奚獨于嫁母而敢過之耶 「聖議是也魏田瓊謂當以長子後大宗諸父無後祭于宗子後 尊祖故敬宗然則敬宗者由親親而推者也親親之恩莫先于 絕父祀以後大宗辨 亦莫重于父子今欲繼大宗而先絕親親之恩必非先王之 Ξ

一意矣禮小宗可絕大宗不可絕者謂小宗無後可不爲置後 無後之祭于義安乎且其說猶不免先敬宗而後親親非禮意 庶而已豈非無稽之曲說哉是故大宗不可絕禮也適子不 雖重猶不奪已之正以後之也戴氏乃謂適子不爲後特不得 比で五年間では同じに 小宗有後而可絕之以後大宗也傳曰適子不得後大宗明大宗 )絕其父祀矣雖有祭于宗家之禮然使其父儕于無後之人 、宗有絕則亦未盡也田氏之說意在兩全然長子竟後大宗則 ,後亦禮也以適子後大宗則已得一而失一矣況其絕父祀乎 日戴氏之說不受之甚者也聞人氏謂子不可絕父是也 

之禮矣若大宗無後族無支子已獨有適子不得後大宗則已當 先播宗事適子繼後則繼播宗事大宗有廟則祭于廟無廟則祭 察于家宗子死稱名不言孝身没而已然則族無宗子固有攝主 他 某執其常事攝主不厭祭不放不假不般祭不配叉日宗子去在 若宗子有罪居于他國庶子爲大夫其祭也祝日孝子某使介子 然則如之何而可曰禮無可徵矣旁通之可也戴記曾子問篇 不復攝焉庶乎其可也或日以適子之支子後大宗昭穆不相當 子名見る事とえこ 國庶子無虧而居者望墓為壇以時祭若宗子死告于墓而 如攝主之禮稱名不言孝俟適子有支子則以後大宗而

丿

後故是戴聖之議必若子言則宣 求益齋文集 《卷二 則 也哀帝亦定陶王之逾子也成帝立為太子論者不以爲譏 命臨之故也成帝別為定陶王立後其祀亦未嘗絕 何嫌于昭穆不相當乎或日宣帝以史皇孫之適子而爲昭帝 一大夫異宣帝雖適子也以太后之詔立爲昭帝後以承天下 了以奉祀事視其未爲天子也加隆焉斯又非士大夫所得 則非已所得而專也其父雖不得祀于太廟然而置園邑 定或後祖父或後曾高祖故闕之是說也先儒未嘗有異 喪服言為人後者不 一帝不當後昭帝平日天子之 丰

之術元公取而轉易之更名太極圖仍不沒無極之旨以證其本 朱彝尊太極圖辨謂陳摶爲無極圖刊諸華山之石乃方士脩煉 **適子後大宗者必有君命然後可必承天下之重然後可** 用以脩煉耶雖甚愚知其不然矣夫陰陽五行萬物之理儒者 而已矣陰陽何有哉太極而已矣太極何有哉無極而已矣故遺 于道家甚矣其不思也周子之圖果爲脩煉計耶周子之說果可 之學也道家之說<br />
日萬物何有哉五行而已矣五行何有哉陰陽 道家亦知之逆而遁于無者道家之學也順而治乎有者儒家 讀太極圖說書後

求益齋文集《卷二 亦罕言是同則猶 相 皆不見無極 何 IE 則有 之 而同之哉日 周子之 然止授 過英知其同異說傳失實遂 理 陰陽矣有陰 不究其旨並其說之歸于 萬 圖 物 心也 周子葢慮高明之 及宋 極 m 不以語 則有五行 圖 南渡 所為作 之就 流 太 矣 、慎之至也程 也其 義若南 士或溺] 入有五行 行五行 爲 關右 義 是 極 則

轉從 一手授太 判門高 一所藏亦云得之 所謂獨手授 乃尹和靖之 圖 前所見無力 豈 作 明 非不思之甚哉嗚呼使南 極 圖之 元舉朱子發寬始得了 門 程氏 (氏叉謂) 程他克得了 極 **|考其言:則太** 圖 今所傳者 [域云圖] 通 書跋 万手 極圖之傳 云通書始 柳縣後 辨其相 池逮 諸儒皆得 程 連出 未聞 巡 無極 再 異說 附 和 昌

道未知其要復出入于老釋耶是說也宋人已有疑之者然呂與 茂叔論學慨然有求道之志繹其文若未始受業者不然何以求 劉立之叙明道事曰先生從周茂叔問學窮性命之 吾學雖有所受之然天理二字則由心得所受學者非周子而 叔記程子之言自謂受業于周茂叔此決不誣朱子論之詳矣抑 早矣奚必待再見哉朱氏又謂伊川撰明道行狀雖云聞汝南 一程從周子游閱時未久則其語學宜有不暇詳者故明道 八為顏子所好何學論盡用太極圖說之意則其受是圖也 年自言得其行事為最詳且伊川親 理立之

疑且周子改名敦颐而伊川不引避以為未普受業之證皆非也 弟子稱先生之字在今日固為不可言乎古則子貢嘗稱仲尼矣 後則其可信必矣伊川年譜云年十四五與明道 哉朱氏又謂遺書直稱周子之字非弟子禮至目爲窮禪客尤 オ金藻文集へ着 、儒之書橫加疑謗固無足怪朱氏號爲博聞而亦若此 見哲宗徽宗實錄當時記載明白如此又何疑乎論者 一解意不可曉舍明白者不信而疑此耶禮 **『董仲舒之弟子有呂步舒又何說耶凡朱** 一稱伯湻矣又可曰非受業者耶所謂窮禪客 同受學于周茂

或問! 圖信道家也二程受學于周子者也則皆異端而已 **八**猶 佼 佼 者 哉 未易明也將含之而別爲 其辭以正之也世之 再書太極圖說後 、略如此亦足 言太極圖 思而妄論者戒矣雖然朱氏 溺于無極之 īE |無極圖是矣顧周子仍言 即因其辭而正之使 說則 說者深矣將與之 = 一辨則 圖

可盆然交身||一十二 理 然非辭之咎也太極圖說首尾 同而意則異矣夫以其理而言則謂之太極以理之無形而言 一本無形焉耳是豈道家之說所得同哉或日雖然辭旣同矣則 無極無極 周子所不及料也或曰其辭同則孰知其不同哉 |則不辨而自明矣後之儒者不見無極 乃棄數百言不顧而專舉無極斥之夫聖賢之言苟 日是不然論者必欲以異端誣周子周子固無如 而太極猶日無形而有理焉耳太極本無極猶 数百言使能詳繹其詞則其不為 Ŧ 而轉以道家誣 一解雖 則

ヴら立両で身下、尖二 誀 **浩儒林傳日** 胡常常授賈護而劉歆從尹咸及翟方進受由是言左 也司 一護劉歆按此則春 讀買誼傳 不動然則孔 先司馬遷 馬遷自敘謂賈誼晁錯明印 儒林傳後 傳訓故授趙 漢與北平侯張蒼及 為誼傳疏略已甚班固 人考之不詳徒以才略文辨偉誼莫知其為 **沙道家也** 一秋左氏傳由館 人 其 公再傳至尹更始傳子咸 耶 而傳漢廷傳經之 則詳矣然亦不 傅買誼皆 庶 心儒實 綖

說竊意 儒者罕稱誼獨劉歆好左氏傳知誼之經學其言日孝文皇帝時儒者罕稱誼獨劉歆好左氏傳知誼之經學其言日孝文皇帝時 典型而以斤斧體牌數語為明中商之驗愚又以為不然誼所謂 而抗到之則與暴秦無異故欲以權勢行法制以法制全骨肉 刑罰斥商君尤力其不爲申商明甚呂成公亦謂誼疏藹然洙 制者即割地定制之說耳其意以為法制不定將墮骨肉之 呼誼亦不幸甚矣考誼陳政事疏諄諄於禮義教化 乏儒惟賈生而已歌言旣不見重手 仁術可也烏覩所謂申商者哉前漢時左氏傳未得立學故 元う生にえこ 去誼未遠不應謬誤若此或其書有關文或衍字不然 一世論者獨信司馬遷之  $\equiv$ 

グジエミテレー・ション・シュー 讀 一俟論者 劉向傳 擇高 **一个**剪之 何書有伏生禮 列祀 1 · 而獨信! 些

矣論 異遂 碩士 過 初 习盆 氣節 房文集 差 易耳向 進也 不善終不一 勛 孝 不善而終有大善論者顧皆其始使 改則不 飾 一未嘗或之終身而獨以是 施其賢謂其大節足 也 可貴 推挫因 然使 過 爭始也 炳 而 向果干進 而終身惡于浮 而速 躓 示善終 政之則非 削始 以立也向之所惡其怪 海尤 阿恭 為累殆 過 也 -E 可恕乎若 漢 過矣或 心好奇 向 取

以事 ガる場ではアメミニ 之路是不可以不辨 哉傳 概其生平則是改過不足以 万 以前皆當立朝 讀疏廣傳 一帝皆勉人 過 而能改善莫大馬孟子曰雖有惡 大臣與 人以自新也以向之精忠大節猶擿其少年 國同休城 名則仕宦之 不然如廣受者亦常 而其去留叉實係天下 風蓋可知矣 **~
旣傳其** JĘ. 大事後世津 濟 戒沐浴則 安危 津 則 稱 P

矣 守戒所以作也嗟乎彼猶鄰也而韓子之憂若此今夫猛獸羣 子金元万多里一年二 一獸穿箭為害則人知防之 子對禹問誠未得聖人之意朱子譏之 可不噬以善化之盜者可不盜嗟乎誠若是則韓子之 而穿窬日往來于室其勢豈特為鄰而已哉或曰以德馴 讀韓退之守戒 **調菓子對禹問** 傳子
ク (天下也柳氏所謂其德在王) |與倔强者為鄰則| 是矣考之古事亦不 荁 韓子 踞

だった語し言いかない 咠

下、金元ラクターライ 元末紀綱紊壞順帝尤不恤國事而劉稲通 ī勢陵夷· 眉蒲鎮頓 「倫隋有王薄 點 赳 此由 呼應 命王室人哀重以懿僖童昏而王仙芝黃巢倡 體或由頻歲機館 國勢陵夷上 四起势必至了 下解體而亂者也 之屬此由 亂奏有陳涉項梁英 徐壽輝方國 귤 暴虐民怨

率拒 穀 to be a seed to be a final beautiful 旋 與太守 賊 踵 倝 其勢宜 治 其眾民 突然 都試屬縣材官騎士 此其故 離故也所以定 11.7 L . . . 非有 不能 方樂業戴 縱横 明末之 人然 何也 一驍猾 將 m 則 之 若 是 **汗軌之流** 兵弱故也昔者漢置 帥 蹂 一莫肯從 |故兵强| 不能 蹦 此之 奺 之難者兵弱故 制 時 逆線道 數 煽惑徒黨 至光武帝罷都尉 里 文城 縱 -年然後定 有盗賊發 屠 解 那都尉 逾 所以 典 則

٦

孶 **兵强則中外襲服奸** 兵也 求 兵弱 笳 爾戎兵以陟禹 紀潰敗相 討賊未嘗 曰 孺文集 則反是! 張皇 示得已 則欺 **基服奸人不敢生心故亂不萌亂** 大師無違我高祖寡命故强兵者 (倫郷里驅 老 晚矣雖然其不愈于有事而猶 是故古聖一 得 屬雖有兵如無兵也 之迹方行天下至于海表 日教訓之也 兵則亡命無賴舉 戰 王雖無事之日 命故 所過暴橫不減于盜 撓縮 巨貴 而不 竄名其中 周公之戒成 一問不率服召公之 敢不教 聖王 不萌故 玉 雖 朝 職也有 所不廢 及戦 Ē 應募 氏 兵如 則囂 而 告 地

求益齋文集《卷二 兵器有事 題家書後 兵寄興化已三年家累! 生也則兵之所以弱冠之所以熾民之 而誰咎哉余旣善戚氏書頗為校正關誤因識千 也恭亦有學爲今該日兵非吾事然而位 故是書雖存無留意者嗚呼古之名儒知兵者 知書儒生則日兵非吾事也 芙

求益齋文集卷二終